

Visoki predstavnik apelira na ministre da zaštite reputaciju vlade i cijele zemlje

Visoki predstavnik, Paddy Ashdown, prokomentirao je izjavu koju je u petak ujutro dao premijer Alija Behmen, zahtijevajući od službenika koji se nalaze pod istragom za ozbiljne naepravilnosti u radu da se povuku sa svojih pozicija.

“Pozdravljam veoma važnu izjavu koju je danas dao premijer Behmen,” rekao je Visoki predstavnik. On je kazao da je premijer “utvrdio načelo da ministri i dužnosnici moraju preuzeti odgovornost da zaštite reputaciju dužnosti koje obnašaju i integritet vlade,” te dodao da se “ovo načelo sada mora ispoštovati.”

Visoki je predstavnik konstatirao da, “ukoliko želimo da se zaštiti reputacija Bosne i Hercegovine u svijetu, i da se poštuju načela odgovornosti, transparentnosti i poštenja, apel premijera Behmena mora biti uslišen.” Visoki predstavnik je zaključio rekavši da će on i građani Bosne i Hercegovine “pomno pratiti daljnji razvoj događaja u sljedećih nekoliko dana.”